


TEZAUUR LITURGIC
4 DECEMBRIE

SLUJBA
SF. IERARH
GHENADIE
GONZOV,
ARHIEPISCOPUL
NOVGORODULUI



MOSCOVA, 2000



Мѣсяца Декѣмврія въ 4-й дѣнь СЛУЖБА СВЯТИТЕЛЮ ГЕННАДИЮ, АРХІЕПИСКОПУ ВЕЛИКАГО НОВАГРАДА

НА ВЕЧЕРНИ,

Блажѣнъ мужъ, [1-й антифѣнъ]. На Господи,
воззвахъ: стихиры мученицы на 4 и
святителю на 4, гласъ 8.

Истиннымъ избраніемъ Божіимъ* жезлъ
святаго служенія воспріимъ* добръ люди твоя
управиль еси,* ихже свѣтомъ Священныхъ
Писаній просвѣтивъ,* благочестія ревнитель
явился еси,* тѣмже и вопіемъ ти
похвальная:* святителю Христовъ блаженне
Геннадіе,* моли Христа Бога о спасеніи душъ
нашихъ.

Истиннымъ ученіемъ Христовымъ* души
гладныя напиталь еси* и во тму и снь смертную
ереси впадшія* къ свѣту заповѣдей Божіихъ
возвратиль еси,* Церкви Русскія красная
похвало* и земли Новгородскія славное
удобреніе,* Геннадіе, святителю
блаженне,* молитвенниче о душахъ нашихъ.

Истинною любовію исполненъ,* святителю Божій Геннадіе,* посредѣ лжебратій и отступниковъ тайныхъ,* яко шипокъ благоуханенъ, въ тернии процвѣлъ еси* и ругателей нечестивыхъ посрамилъ еси,* пребылъ еси вѣренъ даже до смерти,* сего ради приѣмлещи вѣнецъ жизни* и молишися о душахъ нашихъ.

Слава, гласъ 6:

Вѣру правую во оболганіи зряще и святыню Господню въ поруганіи, ревностію Божественною препоясанъ, сталь еси предъ нечестивыми въ дерзновеніи мнозѣ, якоже Илія на Кармилъ и яко Владыка твой на Голгоѳу, ты на горнее сѣдалище возшелъ еси и врага невидимаго поразилъ еси, аще и торжества истины на земли не узрѣлъ еси, но труды и страданіи твоими Церковь украсися, и ней же и намъ подаждь неотпадно пребыти и съ тобою прославити въ вышнихъ Господа.

На стиховнѣ стихіры [или на литіи], гласъ 3.

Паки собирается нечестивое соборище* на Господа, и на Христа Его, и на Церковь Его,* древнимъ богоотступникомъ подражающе,* смерти Безгрѣшнаго паки ругающеся,* но, яко же таетъ воскъ отъ лица

огня,* тако исчезаётъ отъ слышанія словесъ твоихъ,* богомудре святителю Геннадіе,* воево́до Госпо́день изрядный.

Паки сонмище богопротівное,* хранящее суетная и ложная* совѣщаетъ злая на Невѣсту Госпо́дню* и прельщаетъ маловѣрныя воскресенію не вѣровати,* и Святы́мъ Тайнамъ ругаться,* и ученіе Христо́во хулити,* но на ка́мени исповѣданія твоего,* яко волна́ свирѣпѣющая, разбива́ется,* пѣнящися всѣми срамота́ми своими,* и величіе ду́ха твоего́ неволею показу́юще,* богомудре святителю Геннадіе,* воево́до Госпо́день непобѣдимый.

Паки ученикъ невѣрный* іудеямъ Христа́ предаётъ* и мно́гое мно́жество тайныхъ отступникъ приво́дитъ.* Оле рыда́нія, оле посрамле́нія!* Оле безумія нечестивыхъ,* вѣдущихъ Христа́ и къ жидовству приложившихся!* Но́ на стра́жѣ поставленъ Божественный* о ста́дѣ Госпо́днемъ словеснымъ,* отъ юга прише́дшаго Бо́га* и спасеніе наше устроившаго проповѣдалъ еси,* богомудре святителю Геннадіе* воево́до Госпо́день пресла́вный.

Сла́ва, гласъ 4.

Посрамля́ется днесь сонмище лукавнующихъ въ памяти твоей досточудне, вѣрнии же ликуютъ въ веселіи и играюще славятъ Господа, таковаго предстателя намъ даровавшаго, и учителя, и пастыря и исповѣдника неколебимаго, духомъ вѣка сего не прельщеннаго, но за истину добльствовавшаго волею и вѣнцемъ небеснымъ отъ Владыки увязеннаго.

Тропарь, гласъ 5:

Уподобился еси древнимъ отцемъ, святителю отче Геннадіе, Священныя Книги собравъ и еретики посрамивъ, ревность по Бозѣ показуя, паству оградилъ еси, моли и нынѣ Христа Бога миръ Церкви даровати и спастися душамъ нашимъ.

НА УТРЕНИ,

Съдальны и поліелѣй мученицы.

**Канонъ Богородицы на 6, и мученицы на 4,
и святому на 4, гласъ 4.**

Пѣснь 1.

Ирмосъ: *Тристаты крѣпкія, Рождейся отъ Дѣвы, безстрастія во глубинѣ, души тричастное потопи, молюся, да Тебѣ, яко въ*

тимпанъ, во умерщвлѣніи тѣлесѣ побѣдное
воспою пѣніе.

Слово даруй мнѣ, Спасе Всесильне, воспѣти
дивнаго угодника Твоего, добрымъ подвигомъ
подвизавшагося и вѣнцемъ побѣднымъ нынѣ
свѣтло украшеннаго.

Ополчишася всадники, и тристаты, и все
воинство фараона мысленнаго на Невѣсту
Христову, гнавъ, постиже и раздѣли достояніе
Господне, якоже корысти, обаче словомъ
твоимъ, святителю Геннадіе, пучиною покрылъ
еси ихъ, погрязоша во глубинѣ, яко камень.

Тобою, святителю, яко десницею Своею, стерлъ
еси Господь сопротивныхъ, ты же нынѣ
прославленъ еси въ крѣпости, и въ славу
небесной ликуеши, и сущихъ во обстояніихъ на
земли призираеши.

Богородиченъ: Имѹщи Тя, Дѣво, скорую
Застѹпницу и прибѣжище немощныхъ, лукаваго
не устрасимся, злочестивыхъ шатанія да
избѣгнемъ, и небесныхъ сокровищъ пріяти
вседушно уповаемъ.

Пѣснь 3.

Ирмосъ: *Лукъ сильныхъ изнеможе, и немощствующи препоясашася силою, сего ради утвердися въ Господь сердце мое.*

Укрѣпѣшася отмѣтницы нечестивіи зѣло у престоловъ церковныхъ и въ чертозѣхъ царскихъ, и въ гордыни своей высокая и хульная глаголаша, ты же, святителю, словомъ твоимъ утверждение во Господь вѣрнымъ подаеши.

Изнеможе лукъ злоначальнаго, и туль лъстиваго истощися въ конецъ, тебе же силою Господь препояса на врази Своя, даде тебѣ молящуся молитву, аки огонь сопротивныя опаляющъ, и благослови лѣта праведнаго угодника Своего.

Снизшедшаго съ небесѣ и возшедшаго воспроповѣдалъ еси, отче Геннадіе, Иже имать судити концемъ земнымъ въ правдѣ, аще и невѣдомъ часъ пришествія Его, тѣмже и лѣтъ на осьмую тысящу Пасхалію исчисляеши, святителю, яко да не престанеть служение истины до пришествія Христова.

Богородиченъ: *Неплодствие духовное наше разрѣши, Дѣво, и невѣдѣнія мракъ отжени отъ*

сердѣцъ страстьми обуреваемыхъ, яко да принесемъ благочестія плодъ неистлѣнный.

[Инѣ] кондакъ, гласъ 2:

Вѣлія исправленія о церковнѣмъ благолѣпіи являя, Православную вѣру [утвердилъ еси, святителю отче Геннадіе, не престай молитися о насъ, во Царствіи небеснѣмъ Безсмѣртныя трапѣзы наслаждаяся].

Сѣдаленъ, гласъ 4:

Въ нѣмоци чловѣчестѣй державствующему поползнувшуся и козными льщенія запятому, дерзость вражію добльственнѣ отразилъ еси и царю наставникъ ко спасенію явился еси, Геннадіе мудре, и тако спасеся Русь Святая, скиптромъ и жезломъ архіерейскимъ укрѣпляема, тѣмже и нынѣ о насъ молися, святителю, оставленіе намъ грѣховъ даровати, и мучительства горькаго отъ беззаконныхъ властехитителей находящаго люди твоя нынѣ избавити.

Слава, сѣдаленъ мученицы.

И нынѣ, богородиченъ егѣ.

Пѣснь 4.

Ирмосъ: Любве ради, Щедре, Твоего образа на Крестѣ Твоемъ сталъ еси, и растаяшася языцы,

Ты́ бо еси́, Человѣколю́бче, крѣ́пость моя́ и хвалѣ́ніе.

Отъ ю́га пришѣ́дшаго и отъ Святы́я Дѣ́вы вопло́щагося Бо́га исповѣ́далъ еси́ предъ вѣ́рными и невѣ́рными, о́вѣхъ у́бо укрѣ́пляюще, о́вѣхъ же мече́мъ сло́ва Бо́жія посѣ́кающе́ яко къ смѣ́рти па́дшихъ и болѣ́знующихъ неисцѣ́льнѣ.

На Божѣ́ственнѣ́й стра́жи о ста́дѣ ове́цъ Христо́выхъ ста́лъ еси́, до́ндеже нечестивы́хъ посрамлѣ́ніе узрѣ́лъ еси́, святителю́, па́ству твою́ призира́я, принося́ во бра́ни укрѣ́плъшему́ тя Бо́гу хвалѣ́ніе.

Оле́ лука́вствія́ нечестивы́хъ! Явѣ́ у́бо благочѣ́ствующе, тайнѣ́ же жидовству́юще, всяку́ святы́ню церко́вную руга́ніями укоря́юще, слуги́ сотвори́шася де́мономъ, но́ якоже во́скъ отъ лица́ огня́, словесы́ твои́ми, о́тче, растая́вахуся.

Богородиченъ: Ускори́ на по́мощь лю́тѣ на́мъ и напáстыми погружа́емымъ, Чистая́ Мати́ Господня́, нечестивы́хъ шата́нія низложи́, пою́щія́ же Тя́ заступи́.

Пѣ́снь 5.

Ирмо́сь: Просвѣ́щеніе́ Твое́, Го́споди, низпосли́ на́мъ и отъ мглы́ прегрѣ́шеній разрѣ́ши ны, Бла́же, Тво́й ми́ръ да́руяй.

Отъ но́щи у́тренева ду́хъ тво́й ко Го́споду о
вѣрѣ пору́гаемѣй бо́гоху́льствомъ лю́тымъ, тѣмже
и Писа́ній Бо́жественныхъ по́лный сводъ
списа́лъ еси́, богому́дре, имже вся́ Русь
просвѣтѣвшеся, благода́рственная тебѣ́
воспѣва́етъ.

Росо́ю словесъ твои́хъ исцѣ́леніе недугующимъ
ѣресію и умъ иждившимъ пода́еши, святи́телю,
земля́ же нечестивыхъ паде́ся,
неисповѣдующихъ Трисі́ятельнаго
Богона́чалаго Свѣ́та и отме́щущихся
воплоще́нія Единоро́днаго.

Вои́стину, па́че ме́ртвыхъ воскресе́нія, ве́лие и
пресла́внѣйшее чу́до е́сть, еже уме́ршему
зловѣ́ріемъ ху́льнымъ, па́ки на благоче́стіе
преити́ и къ благохва́ленію обрати́тся, о тебѣ́
же, о́тче, сотво́ршемъ пресла́вная возвесели́шася
су́щии на земли́.

Богоро́диченъ: Свѣ́та никто́же у́зритъ,
отметая́ся ико́ны Твоея́ покло́ненія, че́сти же
о́бразу не возда́вый, ка́ко отъ первообра́зныя
свѣ́тлости осія́ніе прія́ти возмо́жетъ.

Пѣснь 6.

Ирмо́сь: *Придо́хъ во глубины́ морскія и
потопи́ла мя́ е́сть бу́ря мно́гихъ грѣхо́въ: но́ яко*

Бо́гъ изъ глубины́ возведи́ живо́тъ мой,
Многоми́лостиве.

Глубино́ю зло́бы и пучино́ю хуле́нiя погложде́ну зря́ще Це́рковь Ру́сскую, возопи́ль еси́ всѣмъ се́рдцемъ твои́мъ ко Го́споду, и па́че наде́жды услыша́нъ бы́ль еси́ о́тче, тѣмже и ны́нѣ прибо́гаемъ къ моли́твѣ твоей.

Низше́ль еси́ разумѣ́нiемъ твои́мъ до са́мья бе́здны тайныхъ начинанiй вра́жескихъ, да изъ иста́внiя возведе́ши ду́ши заблудши́я. Оле неи́стовства богопроти́вныхъ!

Храня́щи су́етная и ло́жная Ми́лостиваго и Пра́веднаго оста́виша Го́спода, и на чту́щiя Того́ всею́ зло́бою язы́ка льсти́ваго воору́жишася, ты же, святи́телю, во гла́сь хвалéнiя и исповѣ́данiя и́стинную же́ртву жря́ще, ко́зни тѣхъ до конца́ низложилъ еси́.

Богородиченъ: Не отврати́ лица́ Твоего́ отъ на́съ, Влады́чице, но при́зри ми́лостивно на согрѣ́шши́я лю́ди Твоя́, аще бо и па́даемъ мно́жицею лю́тыми грѣ́хи, но ми́лости Твоея́ при́сно взыску́емъ и Тебе́, я́ко Богороди́цу и Засту́пницу теплу́ю сла́вимъ.

Кондакъ, гласъ 4:

Яко незлобивыхъ наставника крѣпкаго и лживыхъ обличителя дерзновеннаго Церковь почитаетъ тя, святителю Геннадіе, тѣмже и вопіемъ къ тебѣ съ любовію: простоты намъ даруй дѹхъ и умиленія и во исповѣданіи правомъ соблюди неврежденны дѹши наша.

Икосъ:

Приидите правды Божія алкательіе, и небесныхъ взыскательіе, возвеселимся въ памяти предстателя нашего крѣпкаго Геннадія, и наказанію его внѣмлемъ: яко львы рыкающе еретицы, ищущіе, кого поглотити, первѣе къ нерадивымъ и лѣнивымъ приражаются и сокровенныя и студныя дѣла нераскайныхъ удобъ отпускають и разрѣшають, къ себѣ же самѣмъ тѣмъ привязующе узами грѣховными, тѣмже и припадемъ къ пастырю доброму, яко да исходатаитъ намъ отъ Господа сердце люботрудное во взысканіе небесныхъ и во исповѣданіи правомъ соблюдаетъ неврежденны дѹши наша.

Пѣснь 7.

Ирмосъ: Авраамстии иногда въ Вавилонѣ отроцы пещный пламень попраша, пѣсньми

взывающе: отѣцъ нашихъ Бѣже, благословѣнъ еси.

Христуубійць прельщѣніе и неистовство во дни твоя пещи огненнѣй уподѣбися, нынѣ же седмерицею на Церковь твою воспламенися, ускори намъ въ поможь, святителю, да зываемъ съ тобою: отѣцъ нашихъ Бѣже, благословѣнъ еси.

Яко Даніиль въ ровѣ львиномъ посредѣ отступникъ тайныхъ ходяще, тѣхъ уста лукавыя заградилъ еси, отче Геннадіе, тѣмже нынѣ ко свѣту изшедъ невечернему воспѣваеши: отѣцъ нашихъ Бѣже, благословѣнъ еси.

Пламень разжѣнный безумія и буесловія чловѣча преложилъ еси на росу духовную Православія, и зывати научилъ еси: отѣцъ нашихъ Бѣже, благословѣнъ еси.

Богородичень: Тя, Пречистую Владычицу, яко чаяніе пророкъ древнихъ исполнившую, пѣснями немолчными воспѣваемъ: войстину Бѣга плотию одѣявша и чловѣкомъ Того даровавша, благословѣнна еси.

Пѣснь 8.

Ирмосъ: *Избавителю* *всѣхъ* *Всесильне,*
посредѣ *пламене* *благочествовавша,*

снизше́дъ, ороси́ль еси́ и научи́ль еси́ пѣти: вся дѣла́, благослови́те, пойте́ Го́спода.

Та́темъ и разбо́йникомъ присту́пѣвшимъ, на нетла́нное бога́тство мы́сленное благоче́стія догма́товъ возбѣсѣ́вшимся преще́ніемъ запрети́ль еси́, святи́телю, вѣрныя же научи́ль еси́ пѣти: вся дѣла́ благослови́те, пойте́ Го́спода.

Аще не у́ при́де Мессі́я істи́нный, всѹе ожида́ете того, врази́ и престу́пницы, во грѣ́сѣхъ своихъ пребу́дете, до́ндеже прише́дъ во о́гнь ва́съ отслѣ́тъ несвѣ́тимый, на́мъ же не возбра́ните взыва́ти прісно: вся дѣла́ благослови́те, пойте́ Го́спода.

Трои́чень: Трисі́яетъ свѣ́тлость едина: Безнача́льный и Безви́новный, со предвѣ́чно Рожде́ннымъ, и инообра́зно Исходя́щимъ и Животворя́щимъ вся́ческую тва́рь.

Богоро́дичень: Принеси́ [моли́твы на́ша Бо́гу] [1], о Благая́! смоле́бника при́ими и уго́дника Твоего́ Генна́дія, іже любове́ю Твое́ю подви́гся, навча́етъ и на́съ благослови́ти и пѣти Тя́ во вся́ вѣки.

Пѣснь 9.

Ирмо́сь: *Ева́ убо́ недуго́мъ преслуша́нія клятву́ всели́ла е́сть, Ты́ же, Дѣ́во Богоро́дице,*

прозябѣніемъ чревоношенія мірови благословѣніе
процвѣла еси. Тѣмъ Тя вси величаемъ.

Во грѣсѣхъ своихъ никакоже да умремъ,
клятвы Евины наслѣдницы, аще вѣрою теплою и
усердіемъ всяческимъ, Иже отъ тебе, святителю,
Проповѣданнаго пріимемъ, и Тому Единому
поработаемъ, яко Избавителю и Просвѣтителю и
Помощнику крѣпку, и Мздовоздаятелю
праведному, бездну щедротъ имущему.

Предстатель теплый буди о насъ, Геннадіе,
стадо твоѣ, отъ волковъ губящихъ е, огради, паче
же словомъ Божественнымъ напитай души
гладныя, да тя вси величаемъ.

Троичень: Иже Божество Единое вѣдѣти
мнящій, Троическаго же богочестія
отвергающійся, не въ небесныхъ, но въ
преисподнѣйшихъ земли отца себѣ обрѣтоша,
иже ни едину тварь сотвори, ни роди, точію
всякую лжѣ отъ утробы изведе своея и
всыновленіе свое дарова благоволившимъ къ
неправдѣ.

Богородичень: Свѣтомъ Сына Твоего души
наша просвѣти и помыслы осіяй, Благая
Владычице, да чистымъ сердцемъ и мыслію
высокою Тя вси величаемъ.

Свѣтиленъ:

Днесь Великій Новеграде, просвѣтися, восплещи пѣсньми духовными въ памиати предсѣдателя твоего Геннадія въ ликѣ возсіявша святителей твоихъ, въ нихже тебѣ похвала и утверждѣніе.

На хвалитехъ стихиры, гласъ 4.

Хвалите Господа на силахъ Его,* хвалите во угодики Его чудеса Его,* како противу сонма лукавнующихъ добръ стояше,* яко камень морской противу водъ многихъ,* и намъ наслѣдіе благое оставилъ естъ* догматовъ отеческихъ богатство многоцѣнное* въ просвѣщеніе и спасеніе душъ нашихъ.

Хвалите Господа во гласѣ трубнѣмъ,* восхвалите въ пѣсняхъ благодарственныхъ* святителя Господня Геннадія,* иже полный сводъ Писаній Божественныхъ* даровалъ естъ въ назиданіе людемъ своимъ,* во отгнаніе клеветъ и злохулѣній еретическихъ,* въ просвѣщеніе и спасеніе душъ нашихъ.

Хвалите Господа въ тимпанѣ и лицѣ,* воспойте же нынѣ и угодики Его,* святителя Геннадія мудраго,* похвалу пресвѣтлую земли

Новгородскія* и всея Россіи наставника и предстателя,* люди своя во благочестіи укрѣпляюща* и козни вражескія прозрѣвати научающа* въ просвѣщеніе и спасеніе душъ нашихъ.

Хвалите Господа въ кимвалехъ dobroglasnykh* и въ свѣтлыя дни Пасхальныя,* егда всякое дыханіе хвалитъ Содѣтеля,* и угодника Его Геннадія помяните, людіе,* на осьмое тысящелѣтіе Пасхалію намъ составляшаго,* тѣмже и преданія о ней держимся крѣпко,* и лѣтосчисленія церковнаго,* временá и лѣта въ Своей, а не въ нашей власти положившаго,* славяще непрестанно* въ просвѣщеніе и спасеніе душъ нашихъ.

